

Kazneno-popravni zavoda poluotvorenog tipa Sarajevo zastupano po direktoru dipl.iur. Munib Isaković i Javna ustanova "Terapijska zajednica Kampus" Kantona Sarajevo zastupana po direktoru mr. Adis Hadžić, - Ugovorne strane, radi što potpunijeg ostvarivanja svrhe pojedinih sankcija na osnovu člana 5. stav 2. Zakona o izvršenju krivičnih sankcija u F BiH ("Službene novine Federacije BiH", br. 44/1998, 42/1999, 12/2009, 42/2011 i 39/2024) zaključili su dana 23.01.2025. godine,

MEMORANDUM O STRUČNOJ SARADNJI

**Između Kazneno-popravnog zavoda poluotvorenog tipa Sarajevo i Javne ustanove
"Terapijska zajednica Kampus" Kantona Sarajevo**

I UVODNE ODREDBE

Kazneno-popravni zavod poluotvorenog tipa Sarajevo je ustanova za izvršenje kazne zatvora (u daljem tekstu: "KPZ PT Sarajevo"), sa sjedištem u Sarajevu u koji se upućuju osuđene osobe od strane sudova (Općinski sud u Sarajevu, Općinski sud u Goraždu i Općinski sud u Visokom), djeluje na sljedećim lokacijama:

- Odjeljenje Ustikolina,
- Odjeljenje Igman – mikrolokalitet Blažuj,

Javna ustanova Terapijska zajednica "Kampus" Kantona Sarajevo (u daljem tekstu: "TZ Kampus") je prva terapijska zajednica u Bosni i Hercegovini osnovana 2003. godine od strane Skupštine Kantona Sarajevo, s ciljem pružanja stručne pomoći ovisnicima o psihoaktivnim supstancama kroz odvikavanje, rehabilitaciju i održavanje apstinencije i prva terapijska zajednica u Bosni i Hercegovini, sa sjedištem u Sarajevu u ul. Iznad sela Kešelji bb, Rakovica, Sarajevo.

Ugovorne strane Memorandumom o stručnoj saradnji promoviraju saradnju i unapređuju što potpunije ostvarivanje svrhe izrečenih pojedinačnih sankcija osuđenim osobama u KPZ PT Sarajevo.

II CILJ I SVRHA SARADNJE

Cilj Memoraduma o saradnji je uspostava stručne saradnje između KPZ PT Sarajevo i TZ Kampus u svrhu, što potpunijeg ostvarivanja pojedinih sankcija i pružanje stručne pomoći ovisnicima o psihoaktivnim supstancama kroz odvikavanje, rehabilitaciju i održavanje apstinencije osuđenih osoba, a imajući u vidu karakter djelatnosti kojim se bavi i za koje je registrovana i stručna TZ Kampus, a naročito kroz:

1. **Razmjenu stručnih znanja i iskustava** u oblasti rehabilitacije i resocijalizacije osoba s problemima ovisnosti.
2. **Pružanje stručne pomoći** osuđenim osobama koje imaju probleme uzrokovane zloupotrebom psihoaktivnih supstanci.
3. **Organizaciju grupnih terapija /radionica** u prostorijama KPZ PT Sarajevo.
4. **Unapređenje kvaliteta tretmana** u KPZ PT Sarajevo kroz implementaciju savremenih metoda rada s ovisnicima.
5. **Promovisanje dugoročne apstinencije** kod osuđenih osoba i pripreme za njihovu reintegraciju u društvo.

III NAČIN I OBLIK SARADNJE

Saradnja između ugovornih strana odvijat će se putem stručnih radionica i grupnih terapija. Ukupno vrijeme trajanja radionica i grupnih terapija trajat će četiri (4) sata mjesečno.

TZ Kampus će sačiniti plan program rada koji će usaglasiti sa Sektorom za tretman KPZ PT Sarajevo.

IV OBLASTI SARADNJA UGOVORENIH STRANA

Strane su saglasne da će ostvarivati saradnju u sljedećim oblastima:

1. **Organizacija terapijskih radionica:**
 - Stručno osoblje TZ Kampus davat će stručnu pomoć jednom mjesečno u prostorije KPZ PT Sarajevo kako bi održavali grupne terapije i radionice na teme prevencije, odvikavanja i rehabilitacije od ovisnosti.
 - Radionice i grupne terapije će trajati dva sata, prema unaprijed dogovorenim rasporedu.
2. **Selekcija osuđenih osoba:**
 - Sektor za tretman KPZ PT Sarajevo vršit će selekciju osuđenih osoba koje će učestvovati u radionicama, s naglaskom na osobe s izraženim problemima ovisnosti.
 - Svaka radionica će uključivati najmanje 15 osuđenih osoba.
3. **Metodologija rada:**
 - Sadržaj radionica i grupnih terapija obuhvatać će:
 - Prepoznavanje problema ovisnosti i suočavanje sa izazovima.
 - Strategije liječenja i rehabilitacije.
 - Psihološke i socijalne aspekte prevencije.
 - Predstavljanje mogućnosti postpenalne pomoći kroz programe TZ Kampus.
4. **Sigurnosni aspekti:**
 - KPZ PT Sarajevo obavezuje se da osigura sigurnosne uslove za boravak osoblja TZ Kampus u zavodu.
 - Stručno osoblje TZ Kampus za vrijeme boravka i rada u KPZ PT Sarajevo, pridržavati će se sigurnosnih procedura koje se primjenjuju u KPZ PT Sarajevo prilikom svake posjete.
5. **Monitoring i evaluacija:**

- Nakon svake radionice, stručne osobe TZ Kampus će dostavljati analize i izvještaje Sektoru za tretman KPZ PT Sarajevo o provedenim aktivnostima i napretku učesnika.
-

V OBAVEZE UGOVORNIH STRANA

1. Obaveze KPZ PT Sarajevo

KPZ PT Sarajevo se obavezuje da će:

1. Osigurati adekvatan prostor i tehničke uslove za održavanje radionica.
2. Organizovati selekciju i prisustvo osuđenih osoba na radionicama, koju selekciju će vršiti Sektora za tretman.
3. Obezbediti sigurnost stručnog osoblja TZ Kampus tokom boravka u Zavodu.
4. Omogućiti prisustvo stručnog osoblja Sektora za tretman tokom svih aktivnosti.

2. Obaveze TZ Kampus

TZ Kampus se obavezuje da će:

1. Pružati stručnu pomoć osuđenim osobama kroz grupnu terapiju.
2. Dostavljati planove i sadržaj radionica Sektoru za tretman najmanje sedam dana prije planiranog termina.
3. Potpisati izjave o upoznavanju propisa iz oblasti obrade tajnih podataka.
4. Stručno osoblje TZ Kampus se obavezati da će svoje aktivnosti, boravak i izvršavati obaveze u skladu s pravilima i procedurama KPZ PT Sarajevo.
5. Osigurati profesionalnost i stručnost u radu zaposlenika TZ Kampus.

VI TRAJANJE I RASKID MEMORADUMA

1. Ovaj Memorandum stupa na snagu danom potpisivanja i zaključuje se na period od jedne (1) godine, a primjenjivati će se od **01.02.2025. do 01.02.2026. godine**, s mogućnošću produženja. Memorandum će se produžiti uz saglasnost ugovornih strana.
2. Memorandum se može raskinuti sporazumno ili jednostranim otkazom uz obavijest najmanje 30 dana prije datuma namjeravanog raskidanja.


VII ZAVRŠNE ODREDBE

Odredbama člana 9. Zakona o izvršenju krivičnih sankcija u F BiH ("Službene novine Federacije BiH", br. 44/1998, 42/1999, 12/2009, 42/2011 i 39/2024) propisano je da je izvršenje krivičnih sankcija od posebnog interesa za Federaciju, stoga:


1. Strane se obavezuju da će informacije do koji dođu ili koje nastanu tokom implemetacije Memoranduma čuvati i štititi, neće zloupotребiti niti dostavljati trećim i neovlaštenim osobama i da će se pridržavati odredaba Zakona o zaštiti ličnih

- i Zakona o zaštiti tajnih podataka Bosne i Hercegovine i drugih važećih propisa, koje se odnose na izvršenje krivičnih sankcija ili su u vezi sa izvršenjem krivičnih sankcija.
2. Ugovorne strane se obavezuju da će sve eventualne nesuglasice rješavati sporazumno i mirnim putem u okviru postojećih pravnih propisa i u duhu tolerancije, razumijevanja i svrhe Memoranduma o saradnji. U slučaju spora nadležan je sud u Sarajevu.
 3. Ovaj Memorandum se može mijenjati uz predhodno dostavljanje pismene obavijesti najmanje 30 dana prije izmjene.
 4. Memorandum o saradnji je sačinjen u dva (2) primjerka, od kojih svaka strana zadržava po jedan.

KPZ PT Sarajevo


Broj: 01-09-125
Sarajevo, 23.01.2025.

JU Terapijska zajednica

Kampus
Direktor

Broj: 3A-044 3A-6-72/25
Sarajevo, 23.01.2025.